



孝經四卷

草廬校定古今文

仲尼居曾子侍

仲尼孔子字居坐也曾子與魯南武城人子者曾氏門人稱其師也卑者在尊者之側曰侍

子曰先王有至德

要道以順天下民用和睦上下無怨女知之乎

女音汝下同○孔子也孔門諸弟子稱師曰子諸弟子之門人稱其師則著氏以別之此經曾氏門人所記稱其師既冠以氏故於其師之師得專稱子先王謂古先聖王至極也德者得也要總會也道猶路也德謂已所得道謂人所共由蓋已之所得人之所共由者其理曰仁義禮智而仁兼統之仁之發為愛而愛先於親故孝為德之至道之要也孝者其心有順而無逆以孝教天下使皆化而為順故曰以順天下民謂庶人上謂天子在諸侯之上諸侯在卿大夫



之上卿大夫在士之上下謂士在卿大夫之下
卿大夫在諸侯之下諸侯在天子之下也孝順
德順道也以順德順道順天下者天子也順達
於庶人則其內之兄弟夫婦外之比閭族黨靡
有乖爭順達於諸侯卿大夫士則為下者順事
其上而上無怨於下為上者順使其下而下無
怨於上天地之間一順充塞九族既睦百姓昭
明黎民於變時雍人人親其親長其長而天下
平唐虞成
周之盛也
曾子避席曰參不敏何足以知之
席也曾子侍師而坐師有問故起避坐席而
立敏速也不敏猶言遲鈍此辭讓而對也
子

曰夫孝德之本也教之所由生也
夫音扶下同
○本木之根

幹枝所由以生也孝為至德故已之德此
為本孝為要道故教人之道由此而生
復坐

吾語女
語去聲
○復還也
夫子之言未竟又將
更端而語之以曾子避席起立故命之

還坐而
身體髮膚受之父母不敢毀傷孝之始

也立身行道揚名於後世以顯父母孝之終也

身總言其大體分言其細髮毛髮膚皮膚毀謂
虧辱傷謂破損孝者愛親而身者親之枝故愛

親必自愛身始以身之百體有髮有膚一皆父
母所與也立樹立也揚傳播也身存之時所行

者道使吾身之名傳播於後世之後而父母之
名亦因以顯此為能立其身也孝之始終皆在

此身蓋人子之身即父母之身始則保其身
以全所有終則成其身以彰所自可謂孝矣夫

孝始於事親中於事君終於立身
事親者不敢
毀傷其大也

左右乾養等事在其中矣事君者推愛親之心
以愛君也立身者行道揚名之謂也○前言至

德要道蓋言在上者之孝而通乎下夫孝以下
二句結前意也後言孝之始終蓋言在下者之

孝而通乎上夫孝以下三句結後意也

愛親者不敢惡於人敬親

者不敢慢於人愛敬盡於事親而德教加於百

姓刑于四海蓋天子之孝也

惡烏路反下同○親謂父母不敢惡

者愛之也人謂他人自王宮王族以至臣庶皆是不敢慢者敬之也已所得人所效曰德教加被及也百姓以國言刑儀法也四海以天下言天子之事親在為世子時及為天子則宗廟之祭事死如生事亡如存此愛敬其親也夫愛親者於人無不愛敬親者於人無不敬推此一心由親及疎以天子之貴而不敢惡慢於人則平日能盡愛敬於事親可知矣有諸內必形諸外近而國中遠而天下皆視效之而無不愛敬其親焉是其德教被及於百姓儀法于四海也

在上不驕高而不危制節謹度滿而不溢高而

不危所以長守貴也滿而不溢所以長守富也

富貴不離其身然後能保其社稷而和其民人

蓋諸侯之孝也

離力智反○驕矜肆也危謂勢將隕墜制以刀裁物也節如竹

節度如尺度有分限也溢如水之溢出保謂不亡失社土神稷穀神凡封建侯國為立社稷之壇壝其君主而祭之和謂不乖離民謂農及工商人謂士及府史胥徒社稷民人皆諸侯所受於天子以為國者也位不期驕祿不期侈諸侯貴為一國之主其位之崇如白高臨下處之者易以危富有一國之財其祿之豐如水滿器中持之者易以溢在臣民之上能不自驕則雖高不危謂不以陵傲召禍而致卑替所以長守其貴也制財用之節能謹侯度則雖滿不溢謂不以僭侈費財而致虛耗所以長守其富也位不卑替財不虛耗然後能長有其國使社稷不至

於失亡而民人不至於乖離也諸侯謂非先王
五等國君公九命侯伯七命子男五命
之法服不敢服非先王之法言不敢道非先王
之德行不敢行是故非法不言非道不行口無
擇言身無擇行言滿天下無口過行滿天下無
怨惡三者備矣然後能保其宗廟蓋卿大夫之
孝也德行擇行行滿竝下孟反○服合禮制曰法服天子冕十有二旒虞制日月星辰山龍華蟲六章會於衣宗彝藻火粉米黼黻六章繡於裳周制登龍於山登火於宗彝公自衮冕以下如王之服其冕九旒衣會龍山華蟲火宗彝五章裳繡藻粉米黼黻四章侯伯自鷩冕以下如公之服其冕七旒衣會華蟲火宗彝三章裳與公同子男白毳冕以下如侯伯之服其冕

五旒衣會宗彝藻粉米三章裳繡黼黻二章孤自絺冕以下如子男之服其冕三旒衣會粉米一章裳與子男同卿大夫自玄冕以下如孤之服其冕無旒衣無章裳繡黻六冕服竝以絲爲之玄衣纁裳士則弁而不冕衣裳皆無章卿大夫於六冕服得服其一爵弁服皮弁服玄冠服三等與士同凡服上得兼下下不得僭上服服之也言爲世則曰法言道言之也率德而行曰德行非法不言法卽上文所謂法言非道不行道卽上文所謂德行口過謂言不合法出口有差怨惡謂行不合道召怨取惡所言皆法言則口無可揀擇之言雖言滿天下在已亦無口過所行皆德行則身無可揀擇之行雖行滿天下在人亦無怨惡卿大夫立朝則接對賓客出聘則將命他邦故言行滿天下三者服言行也人之相與先觀容飾次交言辭後考德行孟子言服堯之服誦堯之言行堯之行意與此同首服次言次行者蓋先輕而後重是故以下申言言

行而不及服者蓋詳重而畧輕下文又以三者備矣總結之也祭法卿大夫立三廟宗宇門中有示廟之名也寢之前屋有東西廂者曰廟卿大夫謂王朝侯國之臣王之卿六命大夫四命公侯伯之卿三命大夫再命命資於事父以事母子男之卿再命大夫一命

而愛同資於事父以事君而敬同故母取其愛而君取其敬兼之者父也故以孝事君則忠以敬事長則順忠順不失以事其上然後能保其

祿位而守其祭祀蓋士之孝也

長貞丈反○資取也取事父之

道以事母則愛同於父取事父之道以事君則敬同於父蓋愛心生於所親敬心生於所尊外之親與父同君之尊與父同故一取其愛一取其敬惟父親尊竝至則愛敬兼隆也士之位

在上者天子諸侯為之君有卿大夫為之長皆已所當事者孝即愛也母至親也故愛同於父君則非如父與母之親也然亦當以愛父愛母之孝而愛之君至尊也故敬同於父長則非如父與君之尊也然亦當以敬父敬君之敬而敬之愛君為忠敬長為順忠謂盡心無隱順謂循理無違上謂君與長在己之上也祿所食之俸位所居之官士有田祿則得祭祀其先故庶人薦而不祭士無田則亦不祭其祿位與祭祀相關士謂王朝侯國之小臣及卿大夫之家臣王之上下三命上士再命下士一命命用天之道分公侯伯之士一命子男之士不命

地之利謹身節用以養父母此庶人之孝也

養

尚反○道謂四時之行因天之生長收藏而耕耘歛穫各順其時用天道也利謂五土之宜因地之沃衍隰臯而稻梁黍稷各隨所宜分地利也生財有道而又謹慎其身不為非僻不犯罪

戮用財有節量入為出以給父母之衣食故自
俾無闕供也庶人謂王畿國都家邑之民

天子至於庶人孝無終始而患不及者未之有

也孝之終謂立身孝之始謂事親孝無終始謂
不能事親立身也患禍難也不能事親立身
則禍難必及之甚則天子不能保其天下諸侯
不能保其國卿大夫不能保其家士庶人不能
保其身也

右經一章

凡四百二字朱子曰此夫子曾
子問答之言而曾氏門人之所

記也疑所謂孝經者其本文止如此其下
則或者雜引傳記以釋經文乃孝經之傳
也竊嘗考之傳文固多傳會而經文亦不
免有離析增加之失顧自漢以來諸儒傳
誦莫覺其非至或以為孔子之所自著則
又可笑之尤者蓋經之首統論孝之終始

中乃數陳天子諸侯卿大夫士庶人之孝
而其末結之曰故自天子至於庶人孝無
終始而患不及者未之有也其首尾相應
次第相承文勢連屬脉絡通貫同是一時
之言而後人妄分以為六十七章又增子曰
及詩書之文以雜乎其間使其文意分斷
間隔故今定此六十七章者合為一章而刪
去引書引詩及子曰字以復經文之舊其
傳文之失又別論之如左澄謂以上經文
朱子合其離析去其增加以復于舊既得
之矣然細味之則與大學經文純是聖言
者頗覺不侔終於立身下敷陳五孝語辭
體段各異似非同出一時諸侯卿大夫士
三節尤為繁複疑亦有掇取他書附會其
間者但自末周先秦時已有之蓋如二記
三傳所載聖言雖皆出於七十子之後而
所傳所聞不無失實失當者爾○古文居
上有間字按許慎說文所引古文無之侍

下有坐字按居即坐也與上句義重禮小戴記云仲尼燕居子張子貢子游侍孔子間居子夏侍大戴記云孔子間居曾子侍竝無坐字此經與彼所記當為一例先王上有參字德之本教之所由生蓋天子之孝所以長守貴所以長守富蓋諸侯之孝蓋卿大夫之孝蓋士之孝此庶人之孝九句之末竝無也字祿位作爵祿分地作因地故自天子下有已下字依大學經文例亦不應有凡此疑皆偽稱得古文者妄增減改易以異於今文故今所定悉從今文

子曰昔者明王事父孝故事天明事母孝故事

地察

此言孝之推也王者事父母於宗廟而孝故事天地於郊社亦明察也蓋事天如事父事地如事母能事父母則知所以事天地矣明察謂於其禮其義能精審也長幼順

故上下治

長貞文反○此言悌之推也悌於家而長幼之序順故自國至天下皆興

有先也言有兄也

申上文長幼順之義謂雖天諸父所當先者諸兄也父兄皆祖考之胤孝於祖考則悌於父兄矣禮國君燕族人與父兄齒

天子之禮未聞宗廟致敬不忘親也脩身慎行恐辱先

也

行下孟反○申上文事父孝事母孝之義致推之至極也謂天子宗廟之祭極盡其敬者不忘其親也謂之親者視如生存也此事親之孝平居脩身謹慎所行者恐辱其先也謂之先者念所本始也此立身之孝祭時知所以事親而平日不知所以立身亦未得為孝也宗

廟致敬鬼神著矣天地明察神明彰矣

致敬於宗廟則

父母之鬼神著矣著猶祭義致慤則著之著如見所祭也明察於郊社則天地之神明彰矣彰謂微之顯洋洋乎如在其上如在其左也人鬼而曰神者言雖屈而伸也天地之神而曰明者言雖幽而顯也惟祭者極其誠敬故如此

孝弟之至通於神明光

于四海無所不通

弟亦作悌後竝同○通謂感格而無隔礙光謂變化而有

光輝由宗廟事父母之孝克之以事天地而神明彰此孝之至而通於神明也由一家長幼順之悌克之以治國平天下而上下治詩云自西自東自南自北無思不服

詩大雅文王有聲之篇引之以證無所不

通之義思語辭

右傳之首章

凡百九字釋先王有至德要道由一念而感神明至德

由一家而達四海要道也朱子曰此皆格言焉○舊本文次第十一章後古文次第五章後朱子謂當次第十章後第十一章前今詳此章文理精深正釋至德要道之義其曰昔者明王云者釋經文先王字也當為傳之首章天地明察神明彰矣八字錯簡在故雖天子之上今詳故字承上起下申說上文長幼順之義而宗廟致敬乃申說章首事父孝事母孝之義天地明察則因章首事天明事地察而言著矣彰矣二句文法協比不應問隔下文通於神明又承神明彰矣一句而言如此辭意勵

子曰昔者明王之以孝治天下也不敢遺小國

之臣而况於公侯伯子男乎故得萬國之懽心

以事其先王

以孝治天下謂天子能孝於先王而推其愛敬於一家一國以及天

下之萬國也遺謂忘之而不省錄小國之臣謂
子男之卿大夫子男五十里為小國伯七十里
為次國公侯百里為大國公侯伯子男五等國
君也萬國通五等君臣而言小國之臣且不遺
則其君之為子男與夫大於子男而為公侯伯
者有以得其權心可知矣如是乃所以事其先
王也蓋能孝於先王然後能推之以及天下而
得萬國之權心否則是其所以事先王者有未
至也天子無生親可事故以事其先王為孝

治國者不敢侮於鰥寡

而况於士民乎故得百姓之權心以事其先君

治國以孝治其國也謂諸侯能孝於先君而推
其愛敬於一家以及一國之百姓也侮謂忽之
而不矜恤鰥老而無妻寡老而無夫民之窮者
士則民之秀也百姓通士民鰥寡而言窮民且
不侮則凡衆民與夫秀於民而為士者有以得
其權心可知矣如是乃所以事其先君也蓋能

於先君然後能推之以及一國而得百姓之
權心否則是其所以事先君者有未至也諸侯
亦無生親可事故以事其先君為孝○或曰子
謂天子諸侯無生親可事獨無母存者乎曰聖
人立言舉尊以包卑故上章及此章與中庸論
武王周公皆以宗廟事死之孝而言若有母存
則事生之孝固在其中矣

治家者不敢失於臣妾而况於妻

子乎故得人之權心以事其親

治家以孝治其家也謂卿大夫

能孝於親而推其愛敬於一家之人也失謂不
得其心臣妾家之賤者妻子家之貴者人通妻
子臣妾而言於臣不失則子可知於妾不失則
妻可知如是乃所以事其親也蓋能孝於父母
然後能推之於一家之人而得其權心否則其
所以事親者有未至也

夫然故生

則親安之祭則鬼享之是以天下和平災害不

生禍亂不作故明王之以孝治天下也如此夫

扶○親安指事親者而言言鬼享指事先君先王者而言享饗通謂歆嚮其祭也舉天下則國家在其中和平謂各得懽心而無有乖戾偏頗也天災之甚者為害人禍之甚者為亂由鬼享而上達則天道順而無災害由親安而下達則人道順而無禍亂此以孝治天下之極功也詩云有覺德行四國順之行下孟反○詩大雅抑之篇覺大也大德行即謂至德要道四國順之謂東西南北四方之國皆興於孝而為順也

右傳之二章

凡百四十二字釋以順天下者順天下也得懽心者和睦無怨也朱子曰此言雖善而非經文正意蓋經以孝而和此以和而孝澄謂此傳正是發明經中以孝而和之意所謂以事先王以事先君

以事親者言已有是孝愛敬一念由親及踈由尊及卑上下兩間同乎一順故家國天下無一不得其懽心未有不得於親而能得於人者孝之效驗至此乃所以見其事先事親之孝云爾非謂先得他人之懽心而後以之孝其先事其親也舊註以為得彼懽心以助祭享助奉養蓋害於辭而失其意朱子亦牽於舊註之說故云○舊本次第四章後古文不敢失作不敢侮如此上無也字

曾子曰敢問聖人之德無以加於孝乎子曰天

地之性人為貴人之行莫大於孝行下孟反○性者人物所

得以生之理行者人之所行也人物均得天地之氣以為質均得天地之理以為性然物得氣之偏而其質塞是以不能全其性人得氣之正而其質通是以能全其性而與天地一故得天

地之性者人獨為貴物莫能同也性之仁義禮智統於仁仁之為愛先於親故人率性而行其行莫大於孝也

孝莫大於嚴父嚴父莫大於配天則周公其人也昔者周公郊祀后稷以配天宗祀文

王於明堂以配上帝是以四海之內各以其職

來祭夫聖人之德又何以加於孝乎夫音扶○此又因孝

之大而推言之嚴尊也謂孝固大矣然孝之事不一而莫大於尊其父尊其父之事亦不一而莫大於天子之禮祀其父以配天然得遂此心盡此禮者惟周公而已故曰周公其人蓋自武王有天下之後周公始制此禮以尊其父文王也郊者國門之外宗者文王之廟天子七廟祖廟一昭廟三穆廟三祖廟百世不毀昭穆六世後親盡則祧其有功德當不祧者謂之宗武王

王時文王居穆之第三廟康王昭王時文王居穆之第二廟穆王共王時文王居穆之第一廟懿王時文王親盡在三穆之外以其不當祧也故於穆廟比別立一廟以祀文王是名為宗不在文廟之數穆王以前文王雖未別立廟述居三穆廟中然即其所居之廟亦名為宗蓋初祔廟時已定為百世不祧之宗故也明堂者廟之前堂凡廟之制後為室室則幽暗前為堂堂則顯明故曰明堂享人鬼尚幽暗則於室祀天神尚顯明故於堂也上帝即天也祀之於郊則尊之而曰天祀之於堂則親之而曰帝冬至於國門外之南郊築壇為圓丘祀天而以始祖后稷配季狄於文王廟之前堂祀帝而以文王配后稷封於郟周家有國之始文王三分天下有其二周家有天下之始故以后稷配天文王配帝也此禮一定而周公之父世世得配天帝此周公所以獨能遂其嚴父之心也然亦因其功德禮所宜然非私意也四海之內謂四方諸侯

其職謂土物之貢來祭來助祭也。○王山汪氏嘗疑嚴父配天之文非孔子語。陵陽李氏曰此言周公制禮之事。爾猶中庸言周公成文武之德。追王大王王季也。周公制禮成王行之。自周公言則嚴父成王則嚴祖也。謂嚴父則明堂之配當一世一易矣。豈其然乎。司馬公曰。周公制禮。文王適其父。故曰嚴父。非謂凡有天下者皆當以父配天。孝子之心誰不欲尊其父。禮不敢踰也。祖已曰。祀無豐于昵。孔子論孝亦曰。祭之以禮。漢以高祖配天。光武配明堂。文景明章德業非不美。然不敢推以配天。近世明堂皆以父配。此乃誤識孝經之意。違先王之禮。不可以爲法也。

右傳之三章

凡九十六字。釋德之本。朱子曰。此因論武王周公之事而贊美其孝之辭。非謂凡爲孝者皆欲如此也。况孝之所以爲大。自有親切處。而非此也。

之謂乎。若必如此而後爲孝。則是使爲人臣子者。皆有今將之心。而反陷於大不孝矣。讀者不以文害意。焉可也。○舊本今文連第七章爲一章。朱子從古文。離爲二章。古文無以加於孝上。有其字。來下有。助字。

曾子曰。甚哉。孝之大也。子曰。夫孝。天之經也。地

之義也。民之行也。天地之經。而民是則之。

夫音扶。行。

下孟反。○經如布帛。在機之直。縷條理一定者也。義。裁制得宜者也。則效法也。蓋孝者。天地之理。民效法而行之。既分言天經地義。又總言天地之經。則義在其中矣。則天之明

因地之義。以順天下。是。以其教不肅而成其政。

不嚴而治。

上文言民以天地之理而爲行。此言聖人以天地之理而爲教也。明理之

顯著者即所謂經也。因遵依也。教者化誨而使
之效政者勸禁而使之正也。肅言其聲容嚴言
其法令信從其教之謂。成服從其政之謂治。

右傳之四章

凡六十字釋教之所由生。朱子曰春秋左氏傳載子太叔

為趙簡子道子產之言曰夫禮天之經地
之義民之行也。天地之經而民實則之則
天之明因地之性其下陳天明地性之日
與其所以則之因之之實然後簡子贊之
曰甚哉禮之大也。此易禮字為孝字而文
勢不若彼之通貫條目不若彼之完備明
此襲彼非彼取此也。○舊本次經後朱子
次第六章後古文經義行下無也字因地
之義今文義作利此一字定從古
文章末舊有六十九字朱子刪去

子曰君子之教以孝也。非家至而日見之也。教

以孝所以敬天下之為人父者也。教以弟所以

敬天下之為人兄者也。教以臣所以敬天下之

為人君者也。

以孝教天下之人者不待各至其家日見其人而諭之。但上所行下

自效之耳。孝施於兄則為悌。施於君則為臣。同一順德也。上之人躬行孝悌臣以教則天下之人無不效之。而各敬其父兄與君是上之人自敬其父兄君者乃所以敬天下之為人父為人兄為人君者也。邢氏曰按祭義祀明堂所以教孝食三老五更所以教悌朝覲所以教臣祭帝稱臣亦以身率下也。詩云豈弟君子民之父母非至德其孰能順民如此其大者乎。

豈樂也弟易也躬行孝悌臣之德者樂易之君子也。人皆效之而各敬其父兄與君是足以為

豈樂也弟易也躬行孝悌臣之德者樂易之君子也。人皆效之而各敬其父兄與君是足以為

民之父母非有孝之至德其何能達此一順之德於天下之大乎

右傳之五章

凡八十三字申釋至德以順天下。○舊本次第六章後朱

子以次經後古文父者兄者君者下無也字

子曰教民親愛莫善於孝教民禮順莫善於弟

移風易俗莫善於樂安上治民莫善於禮

則民知有親而愛其父君教以悌則民知有禮而順其兄風者上之化所及俗者下之習所成移謂遷就其善易謂變去其惡安謂不危治謂不亂由父子之和而被之聲容以為樂則氣體調暢而無有乖戾所以風隨上而遷俗自下而變也由長幼之序而著之節文以為禮則名分森嚴而無有陵犯所以為禮者敬而已矣故敬上者不危為民者不亂也

其父則子悅敬其兄則弟悅敬其君則臣悅敬

一人而千萬人悅所敬者寡而悅者眾此之謂

要道也

又承上文禮字而言禮之實不過敬而已居上者自敬其父兄君則下之為人

子為人弟為人臣者效之各皆權悅以事其父兄君矣夫上之自敬其父兄君也所敬者不過一人若是其寡也下效之而和悅於其父兄君者乃至千萬人焉若是其眾也此所以為道之要悅者深愛和氣愉色婉容之謂上所教者言敬而不言愛下所效者言愛而不言敬互文以見也

右傳之六章

凡八十一字申釋要道民和睦上下無怨。○舊本次第

八章後古文要道下無也字

子曰父子之道天性也君臣之義也

父慈子孝乃天性之

本然父尊子卑又有君臣之義亦天分之自然也朱子曰君臣之義之下當有脫簡不能知其為何父母生之續莫大焉君親臨之厚莫重焉

字也人子之身氣始於父形成於母其體連續是為至親無有大於此者家人有嚴君焉父母之謂也既為我之親又為我之君而臨乎上故親生其分隆厚是為至尊無有重於此者

之膝下以養父母日嚴聖人因嚴以教敬因親

以教愛

養羊尚反○親生之而在膝下一體而分戀慕相親自有愛心及孩幼漸長奉

養父母日益尊嚴自有敬心故不愛其親而愛

他人者謂之悖德不敬其親而敬他人者謂之

悖禮聖人之教不肅而成其政不嚴而治其所

因者本也

悖薄對反○愛敬之心皆由親而推以及人不愛敬其親而以愛人為德

敬人為禮則悖矣悖逆也由本及末為順舍本趨末為逆

右傳之七章

凡百一字申釋德之本教之所由生朱子曰此皆格言○

舊本古文次第三章後今文無章首子曰字而連第三章為一章故親生至以教愛

二十四字在聖人之教上而上屬第三章何以加於孝乎之下聖人之教至本也二

十字在以教愛下而下屬章首父子之道之上朱子姑從古文分在第三章而謂其

文不屬以今文連此章者為是澄按此兩節合在此章但文失其次漢藝文志引此

云父母生之續莫大焉故親生之膝下諸家說不安蓋當時編簡猶未錯亂今考而

正之則文屬而意完矣古文之道之義下無也字不愛其親上無故字有子曰字而別為一章章末舊有九十二字朱子刪去

子曰孝子之事親也居則致其敬養則致其樂病則致其憂喪則致其哀祭則致其嚴五者備矣然後能事親。養羊尚及下同樂音洛喪平聲謂進飲食時居養病皆事生喪祭皆事死敬樂憂哀嚴各於其時務盡其極也。事親者居上不驕為下不亂在醜不爭居上而驕則亡為下而亂則刑在醜而爭則兵三者不除雖日用三牲之養猶為不孝也。醜衆也謂與已同等者也兵謂相刃二牲

牛羊豕也事親者以身不毀傷為孝居人之上而矜肆以陵下則必取滅亡為人之下而悖逆以犯上則必遭刑戮在同等之中而與之鬪爭則必相戕殺三者皆喪身之事苟或不除則親之遺體將不能保雖日具盛饌以養親之口體何足為孝哉。子曰五刑之屬

三千而罪莫大於不孝。五刑墨劓剕宮大辟也。墨之屬千劓之屬千剕之屬千

之屬五百宮之屬三百大辟之屬二百總之為三千刑施於有罪者然三千條之中不孝之罪為最大朱子曰此因上要君者無上非聖人者文不孝之云而繫於此。要君者無上非聖人者

無法非孝者無親此大亂之道也。要一遙反。要君謂脅束

之使從已非聖人非孝謂人之所行非聖人之道子之所行非孝道也君制命於上臣恭順於下要君從已是不知有上也聖人言行為萬世法不學聖人是不知有法也父母至親不善事

之是不知有親也無此三者人道滅矣故曰大亂之道此因上文而言不孝於親者必不能事君立身不能事君故無上不能立身故無法不能事親故無親項氏曰非字與前經非先王之同非

右傳之八章

凡百二十八字釋始於事親末又兼及事君立身以起下章朱子曰此亦格言也○舊本子曰五刑以下別為一章今按此乃再引夫子之言以足前意當合為一章古文孝子之事親下無也字三者不除上有此字

子曰君子之事上也進思盡忠退思補過將順

其美匡救其惡故上下能相親也

進謂自私家而適公所退

謂自公所而歸私家盡忠謂事有當陳者罄竭其心補過謂責有未塞者彌縫其闕將謂助之

於後順謂導之於前匡謂正之於微救謂止之於顯其指君而言下以忠事上上以義接下故相親○朱子曰進思盡忠退思補過左傳所載上貞子語澄按宣公十二年晉荀林父為楚所敗歸而請死士貞子諫曰林父之事君進思盡忠退思補過其敗也如日月之食於是晉侯使復其位補過謂自補其過非謂補君之過邢氏曰韋註云退歸私室則思補其身過國語士朝而受業晝而講貫夕而習復夜而計過

詩云心乎愛矣遐不謂矣

中心藏之何日忘之

詩小雅隰桑之篇遐何通言心乎愛君何不形於言乎雖不言而藏之中心何日而忘之蓋言之於口者其愛淺藏之於心者其愛深也

右傳之九章

凡四十九字釋中於事君○舊本今文次首章後古文次第十十一章後而下竝屬第十二章之前朱子謂次當在此古文君子下無之字事上

相親下
無也字

子曰君子之事親孝故忠可移於君事兄弟故

順可移於長居家理故治可移於官是以行成

於內而名立於後世矣行下孟反○孝親悌兄

忠君順長治官中於事君之事也行即行此三

者成謂完備也必可移而後謂之成身存而行

成故身沒而名立內對外言後對今言蓋行成

於內則名立於外名立於後由行成於今也

右傳之十章

凡四十五字釋終於立身第
八章釋事親而事末兼及事
君立身此釋立身而章首先舉事親事君
以見始中終相貫之義○舊本今文次第
五章後古文次首章後而下
有閨門一章今刪去說見後

曾子曰若夫慈愛恭敬安親揚名則聞命矣

夫音

扶○孝者曰愛曰敬而已愛施於下為慈敬見
於外為恭生而安親者孝之始死而揚名者孝

之終敢問子從父之令可謂孝乎子曰是何言與

是何言與

與平聲○孝子於親有從順而無違
逆然親有過而亦從順則陷親於不

義矣故必下氣怡色柔聲以諫諫若不入起敬
起孝悅則復諫三諫不聽則號泣而隨之庶可

以感悟
其親也昔者天子有爭臣七人雖無道不失其

天下諸侯有爭臣五人雖無道不失其國大夫

有爭臣三人雖無道不失其家

爭去聲亦作諍
下同○爭謂諫

止其非若有爭然馮氏曰天子七諸侯五大夫
三如書言九德六德三德特以降殺等差言爾

真氏曰無道而不失天下國家者蓋於失士有道必爭之雖失而旋復所以免於危亡也

爭友則身不離於令名離力智反○司馬公曰士無臣故以友爭父

有爭子則身不陷於不義此通庶人而言故當不義則

子不可以不爭於父臣不可以不爭於君故當

不義則爭之從父之令又焉得為孝乎焉於虔反

右傳之十一章凡百四十三字廣經中五

夫士庶人皆當有過則諫非徒從順而已朱子曰此不解經而別發一義○古文則

聞命矣則作參敢問下無子字

子曰孝子之喪親也喪平聲書云百姓如喪考妣禮記檀弓云夫子之喪

顏淵若喪子而無服喪子路亦然請喪夫子若喪父而無服子之先君子喪出母乎子夏喪其

子魯子曰喪爾親使民未有聞焉曾子問云喪慈母如母禮與孟子云養生喪死無憾竝平聲

讀哭不偯禮無容言不文服美不安聞樂不樂

食旨不甘此哀戚之情也偯於豈反不樂音洛○偯聲春容而有餘

也禮記間傳云大功之喪三曲而偯此父母之喪哀痛之極故其哭也氣竭而息無復餘聲舉

措進退之禮不脩飾為容儀有事直致其言不治擇成文辭身服美衣不以為安故服惡衰耳

聞樂聲不以為樂故不聽樂旨味之美也口食美味不以為甘故不飲酒食肉此六者皆孝子

哀戚之真情三曰而食教民無以死傷生也親

自然然而然三日而食教民無以死傷生也死

水漿不入口三日乃食粥蓋過三日則毀不滅死此教民無以親之死而傷子之生也

性此聖人之政也

喪雖哀毀不可殞滅其性而

沐浴不酒肉然頭有創則沐身有瘍則浴有疾則飲酒食肉年五十者不致毀六十者不毀九

此皆聖人之政為民制喪不過三年示民有終

禮節哀而全其生也也孝子之於親有終天之痛視三年之久猶駟

也之過隙哀豈能忘哉然遂其情則無有窮已故喪制父母之喪至重亦不過

三年者示民以有終竟之時也為之棺槨衣衾

而舉之尸之外衣衣之外衾以襲以斂衾之外

棺棺之外槨以斂以殯舉謂舉尸加其

中也陳其簋簋而哀戚之此言朝夕朔望之

方內圓盥盥黍稷器外圓內方按士喪禮朝夕

奠脯醢而已盛以籩豆朔月殷奠始有黍稷盛

以尾敦卿大夫祭禮少牢饋食亦止用敦盛黍

稷以公食大夫禮推之竊意天子諸侯之殷奠

之哭者口有聲泣者目有淚此謂柩行之時送

形而往哀卜其宅兆而安厝之卜灼龜以視吉

其不返也兆瑩域也厝猶置也將置柩於其處必乘生氣

無地風水泉沙礫樹根螻蟻之屬及他日不為

城郭溝池道路然後安卜者決之於神也不卜

則擇之以人葬書備言其術之理可稽焉中州

土厚水深不擇猶可偏方土薄水淺凡地不皆

之宗廟以鬼享之

初喪至葬有奠無祭蓋猶以

人禮事之既葬迎精而反乃

兆皆用龜卜或亦用筮此云卜蓋通言之為

重所謂謀及乃心謀及士民而後謀及卜筮也

按士喪禮筮宅卜日大夫以上則葬日與宅

委之於壑同孝子之心忍乎先擇後卜尤為謹

兆瑩域也厝猶置也將置柩於其處必乘生氣

無地風水泉沙礫樹根螻蟻之屬及他日不為

城郭溝池道路然後安卜者決之於神也不卜

則擇之以人葬書備言其術之理可稽焉中州

土厚水深不擇猶可偏方土薄水淺凡地不皆

可葬苟非其地尸柩之朽腐敗壞至速與舉而

重所謂謀及乃心謀及士民而後謀及卜筮也

按士喪禮筮宅卜日大夫以上則葬日與宅

兆皆用龜卜或亦用筮此云卜蓋通言之為

之宗廟以鬼享之

初喪至葬有奠無祭蓋猶以

人禮事之既葬迎精而反乃

兆皆用龜卜或亦用筮此云卜蓋通言之為

之宗廟以鬼享之

以虞祭易奠卒哭而祔于祖喪畢而遷于廟始純以鬼禮事之享者祭祀人鬼之名

春秋祭祀以時思之既除喪每歲四時感時之變思親不忘報本反始事之如其生

存言春秋則包四時矣生事愛敬死事哀戚生民之本盡

矣死生之義備矣親生則事之以愛敬親死則事之以哀戚生死皆致其孝

然後足以盡生民之本備死生之義民之生也心之德為仁仁之發為愛愛親本也及人末也

故孝為生民之本義者宜也生而愛敬死而哀戚理所宜然故曰死生之義孝子之

事親終矣此句總結此章言喪親之孝乃孝子事親之終事

右傳之十二章凡百四十三字廣經末終始之義經所謂終指立身

而言此傳言喪親為事親之終朱子曰此亦不解經而別發一義其語尤精約也

古文喪親之情傷生之政有終五句之末竝無也字傷生下文亦無也字考之禮記喪服四制篇

有也字為是

孝經章句曩因朱子刊誤校定子文受

讀歷觀唐註宋疏及諸家解其說雖詳

其義亦有未明暢者乃輯此訓釋授之

諄切卑瑣蓋取蒙穉易曉而已吳澄識

刊誤經傳正文之中已悉除去朱子所塗之字今并劉炫所增一章別錄于後

而備論之

大雅云無念爾祖聿脩厥德凡十一字古文同在經文終於

立身甫刑云一人有慶兆民賴之凡十一字古文同在

經文蓋天子之孝也下詩云戰戰兢兢如臨深淵如履

薄冰凡十四字古文同在經文蓋諸侯之孝也下詩云夙夜匪懈

以事一人凡十字古文同在經文蓋卿大夫之孝也下詩云夙興

夜寐無忝爾所生凡十一字古文同在經文蓋士之孝也下

已上引書一引詩四朱子刪去說見前

先王見教之可以化民也是故先之以博愛而民莫遺其親陳之以德義而民興行先之以敬讓而民不爭導之以禮樂而民和睦示

之以好惡而民知禁詩云赫赫師尹民具爾

瞻凡六十九字古文同在傳四章其政不嚴而治下

朱子曰先王見教之可以化民與上文不屬温公改教為孝乃得粗通而下文所謂德義敬讓禮樂好惡者却不相應疑亦裂取他書之成文而強加裝綴以為孔子曾子之問答但未見其所出耳文既可疑而謂聖人見孝可以化民而後以身先之於理又已悖矣况先之以博愛亦非立愛惟親之序若之何而能使民不遺其親邪其所引詩亦不親切今竝刪去

以順則逆民無則焉不在於善而皆在於凶德雖得之君子不貴也君子則不然言思可

道行思可樂德義可尊作事可法容止可觀

進退可度以臨其民是以其民畏而愛之則

而象之故能成其德教而行其政令詩云淑

人君子其儀不忒凡九十二字古文不在於善下無而字不貴也作所

不貴政令上無其字餘竝同凡九十字在傳七章謂之悖禮下

按春秋左氏傳文公十八年季文子曰以訓則昏民無則焉不度於善而皆在於內

德是以去之襄公三十一年衛北宮文子曰君有君之威儀其臣畏而愛之則而象

之又曰君子在位可畏施舍可愛進退可度周旋可則容止可觀作事可法德行可

象聲氣可樂動作有文言語有章以臨其下朱子曰此雜取左傳所載季文子北宮

文子之言與上文既不相應而彼此得失又如前所論子產之語今刪去

子曰閨門之內具禮矣乎嚴父嚴兄妻子臣

妾猶百姓徒役也凡二十四字今文無古文在傳十章之後十一章之前

朱子曰因上章三可移而言嚴父孝也嚴兄弟也臣妾官也邢氏正義說已見前今

詳此章淺陋不惟不類聖言亦不類漢儒語是後儒偽作明甚而朱子不致疑者蓋

因温公信之而未暇深考耳况十一章之首作傳者承十章之末而發問若有此章

則文義間隔故特據正義之說黜之

吳先生隱居臨川山中大臣薦之授文翰之職未行促命下驛遣上京師會有求為代者

先生即南還今年夏次廣陵郡學訪道諷經者日至恒往受業焉恒嘗問孝經何以有今

文古文之別先生曰黃帝時倉頡始造字周宣王時史籀因倉頡字更革為大篆秦始皇時李斯因史籀字更革為小篆倉頡字謂之古文秦人以篆書經難又作隸書取其省易專為官府行文書而設自此人趨簡便習隸者眾習篆者寡公私通行悉是隸書經火於秦而復出於漢當時傳寫只用世俗通行之字武帝時魯共王壞孔子屋壁得孔鮒所藏書禮及論語孝經皆倉頡古文字後人稱漢儒隸書傳寫之經為今文以相別異云爾古文書孔安國獻之遭巫蠱事不及施行安國沒後其書無傳東萊張霸詭言受古文書成帝時徵至校其書非是漢志所載武成之辭即張霸偽古文書也東晉梅賾於伏生今文書外增多二十五篇今行於世果真孔壁所藏者乎古文禮五十六篇內十七篇與今文儀禮同餘三十九篇謂之逸禮鄭玄註儀禮禮記屢嘗引用孔穎達作疏之時猶有後乃

燬於天寶之亂古文論語二十一與魯論語齊論語為三古文孝經二十二章與今文孝經為二魏晉而後不存隋人以今文孝經增減數字分析兩章又偽作一章名之曰古文孝經其得之也絕無來歷左驗隋經籍志及唐開元時集議顯斥其妄邢昺正義具載詳備可考司馬溫公有古文孝經指解蓋溫公資質重厚於孝經今文尚且篤信則謂古文尤可尊也而不疑後出之偽朱子識見高明孝經出於漢初者尚且致疑則其出於隋世者何足深辯也而刊誤始據溫公所註之本非以古文優於今文而承用之也恒又問孝經果可疑乎先生曰朱子云孝經出於漢初左氏未盛行之時不知何人為之也竊謂孝經雖未必是孔門成書然孔鮒藏書時已有之則其傳久矣禮家有七十子後弟子所記二戴禮記諸篇多取於彼其間純駁相雜公穀左氏等書稱道孔子之言者亦然

孝經殆此類也亦七十子之後之所為爾中
 有格言朱子每於各章註出而小學書所纂
 孝經之文其擇之也精矣朱子曷嘗盡疑孝
 經之為非哉學者豈可因後儒之傳會而廢
 先聖之格言也他日先生之子文謂小年讀
 孝經時先生整齊諸說歸于至當附入已見
 補其不足昇文肆之恒於是借觀舊藁就欲
 筆受請于先生先生曰此往年以訓穉子不
 欲傳之故未嘗示人也恒再三請乃許既得
 錄本而求者沓來應之不給同門諸友共為
 鋟木以公其傳而所聞師說并記於其後云
 大德癸卯十月甲寅河南張恒記
 草廬吳氏以今古文校其同異附入已
 見昇子受讀初不為傳行於世大德癸
 卯門人張恒請於吳氏因宋板舊本
 截為世寶鴻古

孝經四卷終

孝經集義後叙

予童子時初入家塾先君授以孝經一帙俾
 塾師授之章句而口誦之時漫不知省也及
 長稍知問學取而心惟之始悟是書關涉世
 教與大學相表裏然大學自二程表章之後
 朱子為之註釋今與諸書竝列於學官不知
 此書何以獨缺如也蓋嘗沉潛反覆而竊疑
 之夫聖人吐詞為經立言為訓無枝辭無蔓
 說今詳經文首統論孝之終始中分論孝之

散殊而總結之於末文勢脉絡與大學同固無俟於旁引曲證也而乃參之以詩書之文析之爲間斷之語遂使聖言潔淨精微之全體不獲見於後世乃若傳文則其語尤多可疑如所釋至德要道嚴父配天之類甚非聖經之本旨擬之大學十傳其醇疵疎密又何其天淵懸隔也豈秦火之後漢儒掇拾煨燼而傳會以成之者與又懷此疑又恐其無從考証而不免於妄言之罪也及讀中秘書偶

得朱子孝經刊誤一編不覺躍然曰此足以破千古之疑而孔會當時問答之蘊昭昭乎若發矇矣甚哉朱子之有功于孔門也然竊聞朱子於刊誤之外更欲掇取他書別爲外傳以發此經之旨而乃竟不果焉使至今讀者不能無一簣之嘆予近舉以質諸謝君文谷文谷卽出見田公乃翁寒塘先生所著集義示予曰此不足爲孝經外傳耶予受而讀之宏綱大要一以刊誤爲宗間出已見爲之

更定大義以附于其後中間註釋則取諸家傳註而折衷之亦如諸書之集註然乃知朱子之所未及爲者先生固已爲之真可謂上繼其志而庶幾于外傳之作者矣然則朱子固有功於孔門而先生不有功於朱子哉鏜不敏童而習之至白首而其疑始釋又得藉是以自逭於妄言之罪也詎非先生之功哉然先生之自叙也戚然有感于親之不在鏜之情與先生無以異者故因文谷之授簡也

特詳著其說于後而因重有感焉乃若先生生平允蹈之實與我侯今日錫類之化則毛徐二公前後叙之詳矣茲不復贅云

賜進士第中順大夫都察院右僉都御史前翰林院庶吉士河南道監察御史奉

勅提督南直隸學政江山趙鏜撰

孝經會通序

竊聞孝者百行之本萬善之原也經者萬世
不易之常道也會通者會諸家之說而求其
通也夫聖言言之至也天下後世之準也何
俟於會而通之也以晦于秦也鑿于漢也襲
于唐也至宋朱子始正之也而猶未經註釋
也元草廬吳氏又一正之而未安于心亦不
欲其傳也我

太祖高皇帝驅逐胡虜首頒教民榜文

孝經會通 卷之四
成祖文皇帝集孝順事實垂示模範卽古先哲
王以孝治天下之心也

列聖繼承有隆勿替第孝經雜出行者今文一
十八章童子誦習余懼其久而愈失其真也
乃與博士弟子朱生鴻費生浩然共繹之上
探孔曾之心下尋朱吳之緒冒爲訂次列凡
例目錄以見意于以定千古不決之惑極知
濫越然心不容已故責不能辭也嗟乎聖言
具在也無增損也以聖言明聖言記述者意

也啟其晦去其鑿而無所于襲也夫亦求其
通也經成矣再得陶潛集讀之其作五等孝
傳贊至明也附于聖經猶醫之有案也蓋欲
人敦本窮原是則是效同臻至理也此義明
則人人興孝庶幾乎天下太平而唐虞三代
雍熙太和之治成矣後之君子將以余爲忠
耶僭耶其他問答格言種種雜見諸經傳者
不具述

大明賜嘉靖丁未進士第亞中大夫光祿寺卿

前南京通政使司右通政太常寺少卿吳興
沈淮撰

孝經會通凡例

一不立經傳不分章第止列先後次序為一
十五條以復孔曾之舊

一第一條古文今文分六七章今合為一從
宋元二大儒所定

一第二條以後俱照首一條為次序易有序
卦說卦亦或記撰者意也俱從朱子以正
秦漢以後之訛

目錄

第一條 統論孝

第二條 論至德

第三條 論要道

第四條 論以順天下

第五條 論民用和睦上下無怨

第六條 論德之本

第七條 論教之所由生

第八條 論始於事親

第九條 論中於事君

第十條 論終於立身

第十一條 論天子之孝

第十二條 論諸侯卿大夫之孝

第十三條 論士庶人之孝

第十四條 發未盡之意

第十五條 發未盡之意

孝經會通

明後學沈淮述

朱鴻校

費浩然閱

仲尼居曾子侍子曰先王有至德要道以順天下民用和睦上下無怨女知之乎曾子避席曰參不敏何足以知之子曰夫孝德之本也教之所由生也復坐吾語女身體髮膚受之父母不敢毀傷孝之始也立身行道揚名於後世以顯

父母孝之終也夫孝始於事親中於事君終於立身愛親者不敢惡於人敬親者不敢慢於人愛敬盡於事親而德教加於百姓刑於四海蓋天子之孝也在上不驕高而不危制節謹度滿而不溢高而不危所以長守貴也滿而不溢所以長守富也富貴不離其身然後能保其社稷而和其民人蓋諸侯之孝也非先王之法服不敢服非先王之法言不敢道非先王之德行不敢行是故非法不言非道不行口無擇言身無

擇行言滿天下無口過行滿天下無怨惡三者備矣然後能保其宗廟蓋卿大夫之孝也資於事父以事母而愛同資於事父以事君而敬同故母取其愛而君取其敬兼之者父也故以孝事君則忠以敬事長則順忠順不失以事其上然後能保其祿位而守其祭祀蓋士之孝也用天之道因地之利謹身節用以養父母此庶人之孝也故自天子至於庶人孝無終始而患不及者未之有也

子曰君子之教以孝也非家至而日見之也教以孝所以敬天下之爲人父者教以弟所以敬天下之爲人兄者教以臣所以敬天下之爲人君者詩云愷悌君子民之父母非至德其孰能順民如此其大者乎

子曰教民親愛莫善於孝教民禮順莫善於弟移風易俗莫善於樂安上治民莫善於禮禮者敬而已矣故敬其父則子悅敬其兄則弟悅敬其君則臣悅敬一人而千萬人悅所敬者寡而

悅者衆此之謂要道也

曾子曰甚哉孝之大也子曰夫孝天之經也地之義也民之行也天地之經而民是則天之明因地之義以順天下是以其教不肅而成其政不嚴而治

子曰昔者明王之以孝治天下也不敢遺小國之臣而况於公侯伯子男乎故得萬國之歡心以事其先王治國者不敢侮於鰥寡而况於士民乎故得百姓之歡心以事其先君治家者不

敢失於臣妾而况於妻子乎故得人之懽心以事其親夫然故生則親安之祭則鬼享之是以天下和平災害不生禍亂不作故明王之以孝治天下也如此詩云有覺德行四國順之

曾子曰敢問聖人之德其無以加於孝乎子曰天地之性人爲貴人之行莫大於孝孝莫大於嚴父嚴父莫大於配天則周公其人也昔者周公郊祀后稷以配天宗祀文王於明堂以配上帝是以四海之內各以其職來祭夫聖人之德

又何以加於孝乎

子曰父子之道天性也君臣之義也父母生之續莫大焉君親臨之厚莫重焉故親生之膝下以養父母日嚴聖人因嚴以教敬因親以教愛聖人之教不肅而成其政不嚴而治其所因者本也

子曰孝子之事親也居則致其敬養則致其樂病則致其憂喪則致其哀祭則致其嚴五者備矣然後能事親事親者居上不驕爲下不亂在

醜不爭居上而驕則亡爲下而亂則刑在醜而
爭則兵三者不除雖日用三牲之養猶爲不孝
也子曰五刑之屬三千而罪莫大於不孝要君
者無上非聖人者無法非孝者無親此大亂之
道也

子曰君子之事上也進思盡忠退思補過將順
其美匡救其惡故上下能相親也詩云心乎愛
矣遐不謂矣中心藏之何日忘之

子曰君子之事親孝故忠可移於君事兄弟故
順可移於長居家理故治可移於官是以行成
於內而名立於後世矣

子曰昔者明王事父孝故事天明事母孝故事
地察長幼順故上下治天地明察神明彰矣故
雖天子必有尊也言有父也必有先也言有兄
也宗廟致敬不忘親也脩身慎行恐辱先也宗
廟致敬鬼神著矣孝弟之至通於神明光於四
海無所不通詩云自西自東自南自北無思不
服

子曰不愛其親而愛他人者謂之悖德不敬其親而敬他人者謂之悖禮以順則逆民無則焉不在於善而皆在於凶德雖得之君子不貴也君子則不然言斯可道行斯可樂德義可尊作事可法容止可觀進退可度以臨其民是以其民畏而愛之則而象之故能成其德教而行其政令詩云淑人君子其儀不忒

子曰閨門之內具禮矣乎嚴父嚴兄妻子臣妾猶百姓徒役也

曾子曰若夫慈愛恭敬安親揚名則聞命矣敢問子從父之令可謂孝乎子曰是何言與是何言與昔者天子有爭臣七人雖無道不失其天下諸侯有爭臣五人雖無道不失其國大夫有爭臣三人雖無道不失其家士有爭友則身不離於令名父有爭子則身不陷於不義故當不義則子不可以不爭於父臣不可以不爭於君故當不義則爭之從父之令又安得爲孝乎子曰孝子之喪親也哭不偯禮無容言不文服

美不安聞樂不樂食旨不甘此哀戚之情也三日而食教民無以死傷生毀不滅性此聖人之政也喪不過三年示民有終也爲之棺槨衣衾而舉之陳其簠簋而哀戚之擗踊哭泣哀以送之上其宅兆而安厝之爲之宗廟以鬼享之春秋祭祀以時思之生事愛敬死事哀戚生民之本盡矣死生之義備矣孝子之事親終矣

孝經會通終

孝經會通後序

夫孝經一書實五經之源孔曾授受心法也顧始學發蒙卽句讀之豈以爲簡約凡近爲童稚所便習與要之立人之道與養正之功聖賢喫緊爲人之意淵乎微矣夫童而習之實允蹈之者誰歟無論樸遯齊民卽組紉士人恐不入盡克諧若也信能識經之旨重經之義則作用自別可見人自凡近視經經詎凡近哉是書厄於秦繼出孔壁藏者二十二章爲古文若今文十

八章則劉向所校河間王得之顏芝本者自漢以來諸儒專門窮經傳釋亡慮百家不免牽合附會晦庵朱子研極理學既定古文矣復刊其差誤而草廬吳氏則又以今文古文校同異而定之余則以爲諸儒爲論不同其尊經一也欲人務本以崇孝其心一也夫不聞性與天道者不能制禮作樂不因心達孝者不足以建立事功其道何居蓋孝者貫神明格天地通人物達四海五常百行之原萬事萬化所從出自天子

以至於庶人一也孩提愛親誰則啓之長而敬見此仁之推也達之而爲大人卽赤子之心也彼口耳誦習者固不知孝之義爲何若而博綜子史假筌蹄以徼一時之遇人與經二事功與道德二母惑乎學術之日卑而習俗之日陋也經云孝爲德之本彼惡知哉古特徵孝廉者服官蓋孝則必忠其君廉則不私其身卽此二義殊盡以若人策足仕路於治國乎何有不然則記禮者何以曰事君不忠非孝也朋友不信非

孝也戰陣無勇非孝也而居處不莊涖官不敬
咸與孝悖夫舉而措諸天下之事業而悉根於
孝是不徵教之所由生哉然則是經談何容易
余友沈太卿准朱文學鴻恪敦天彝竝懼萊綵
獨於是書窮年探索務繹其脉絡條貫合全經
而訂次之豈欲錫類而闡孔曾之教歟夫治本
於道不知孝者不可與道不知道者不可語治
卽粉飾治具何益轉移化導哉予深有味乎經
之言也刻成沈太卿旣序之矣朱君復問序於
予念予甫餘弱冠傷哉貧也痛嚴慈曾無一朝
之懽尋已見背風木之憾愴焉終身又碌碌苟
存無能顯揚以終孝罪且滋甚予烏知言哉第
原聖人作經之旨與諸儒測經之意蘄詔來世
甚盛心也凡有血氣者尚其立愛知重所始而
率由之云

萬曆甲申仲冬之吉

中憲大夫奉

勅控制金騰雲南永昌府知府 予告致仕

詔階中議大夫贊治尹前南京刑部江西清吏
司郎中錢塘陳師謹書



